

MIZORAM PRESBYTERIAN KOHHRAN

(Presbyterian Church of India)

Moderator : Rev. Dr. Vanlalinghaka Ralte
Secretary (Sr) : Rev. Z.D. Lalmachhuana
Secretary (Jr) : Upa B. Lalmunliana
Fin. Officers : Rev. V.L. Luaia Hranleh
Rev. P.C. Pachhunga
Statistician : Rev. Lalsangbera



Sr. Executive Secretary
Rev. C. Zoramawia
Executive Secretary
Rev. V.L. Luaia Hranleh
Rev. Dr. K. Lallawmzuala

MIZORAM SYNOD

SYNOD OFFICE, AIZAWL - 796001, MIZORAM, INDIA

Ph: (0389) 2326372/2322285/2335821/2324448; Email: mizoramsynod@gmail.com; Fax: 0389-2322132

Memo No. MS/GEN - 5/2022/70/ 347

Dated Aizawl, the 18th May, 2022

To,

The Secretary,

Kohhran

Subject: **Kum 2022 PCI Assembly Pual Tawngtai Ni thu zir tur leh tawngtai thupui chngchang**

Rawngbawlpui duh tak,


Kan Lalpa Isua Krista hmingin chibai ka bûk a che.

Presbyterian Church of India, General Assembly chuan kum 2022 Assembly pual tawngtai thupui atân 'Hnam hrang hrang kara Kohhran rawngbawlna' tih a thlang a. He ni hi **June 5, 2022 (Pathianni)-ah hman tûr a ni**. Tin, kum tina kan lo tih thin angin General Assembly puala inkhawm thawhlâwm kan thawkhawm thin ang khan kumin pawh hian kalpui leh tur a ni a. Thawhlâwm lâk khâwm chu Form 'F' hmingin Bial Treasurer kal tlangin Synod Office-ah theh luh tur a ni e.

Kum 2022-a PCI Assembly Thupui zir tur leh tawngtai thupui pawh ka rawn thil tel nghal e.

Lalpan vêngin awmpui zel che u rawh se.

I rawngbawlpui,


(REV. Z.D. LALHMACHHUANA)
Secretary,
Mizoram Synod

- CC : 1. Bial Secretary, Bial chhûng Kohhrante a lo pêk chhâwn theih nân.
2. Bialtu Pastor & Pro. Pastor-te.
3. Co-Ordinator, Synfo - A lo thehdarh theih nân
4. Finance Manager, Synod Office. A tûl anga a lo bawhzui theih nân.
5. Guard file.

Presbyterian Church of India
Assembly Tawngtai rual (5th June, 2022)

Thupui

‘Hnam hrang hrang kara kohhran rawngbawlina’ (1 Korinth 9:20-22)

THUHMAHRUAI

Khawvel inher danglam zelah, ‘Nunphung inchawhpawlhna’ nasa tak karah kan cheng a. Hun inher danglam chak tak leh tunlai hmasawwna hian hnam nun inpawlsawpna a thlen nasa hle a ni. Hnam hrang leh ziarang inang lo chen hona hian a tha zawngin nghawng nei baw mah sela, chin dan inan loh avang leh thu inhmuh loh avanga innghirnghona erawh a chawk chhuak ve reng baw.

Hnam nun hian inrelbawlina leh rorelna kawngah te ko ri a tu hle tih kan hre theuh awm e. Kum zabi 21-naah chuan khawtlang nun leh hnam ziaah te hartharna leh inthlakthlengna tam tak thleng hmuh tur a awm a. Tlang mi zingah te, hnam hnuaingung zawk zingah te pawh danglamna leh inthlakthlengna hmuh tur a tam hle.

Sakhaw thar a piang zel a, serh leh sang kalpui dan chenin chin dan thar a rawn chhuak zel baw. Chutiang karah chuan, rin dan leh pawm dan thar, rawn arh hluai te pawh hmuh tur a awm a. Sakhaw hlun leh lian tak tak zingah, thlarau lam thila chin dan thar hmuh tur a tam hle. Chungte chuan mi tam tak rilru hruai sualin, a ti khawlo mek a ni.

HNAM HRANG KARAH (MULTI CULTURAL CONTEXT)

Hnam hrang leh zia rang in ang lo inchên pawlhna khawvelah kan awm a. A bik takin India ram hi hnam hrang, chin dan hrang tamna leh inpawlsawpna hmun a ni. Nunphung leh chin dan hrang avanga innghirnghona thleng a awm fo a; chungnun zawk duhna leh in awpbeh duhnain chi leh chi inkarah leh hnam leh hnam inkarah buaina a siam ve fo baw.

Tunlaiah chuan sakhaw tih dan leh hnamin tih dan phung a neihte hi kan ngaihfin tawh a. Sakhuanna leh hnam nun danglam zel hian mahni hnam nun pho lan duhna leh chawikan duhna a hring chhuak nasa hle. Leilung leh thilsiam behchhana sakhuana kalpuituten an kalphung te chawi lar tumin tan an la nasa hle baw.

Khawvel hmasawwna chi hrang hrang lo thleng hian mihring nunah dazâtna leh inthlahdahna te a rawn thlen a. Chu chuan hnathawhna leh nun peng tinrengah nghawng tha lo tak a siam zel a ni.

Pentikos niah hian, Thlarau Thianghlim rawn thlengin thuchah ropui tak a rawn ken hi hnam hrang hrang inchên pawlhna karah pawh awmze nei zawka kan puan chhuah zel a pawimawh hle mai. Paulan missionary hna ropui tak a thawh chhung khan, mitin, hnam tin thleng phakin rawng a bawl tih kan hre thei a. Pathianin a koh chhan ang

taka thawk tur leh, a kohna hlenchhuak turin theih tawp a chhuah a ni. Tunah chuan kohhranhote hi Paula dinhmun angah khan kan ding tain kan inhria em? Sakhua leh hnam tih dan phung insu karah, hnam hrang hrang inawm pawlhna karah hian kohhran hian remchanna a lei thiam a tul hle a. Hengte hi lo ngaihtuah zui ila:

1. Paula khan mahni inphat chung leh a tul ang zela insiamremin, Krista kohna tihlawhtling turin rawng a bawl a. Kohhran pawh hian a rawngbawlnaah hian mi dang tana inhlan ralna rilru hi a put deuh deuh a tuln a rinawm.
2. Krista khawngaihna dân chuan hnam hrang leh nun phung in ang lo zawng zawngte pawh a huap zawh vek avangin, hnam tin hian zah an phu a. Kohhran hian a rawngbawlnaah mi dang tuam dam zawng te. hnamin tih dan phung a neih zah sak chung leh, hnam tlem zawk chimral hlauhawma ding mekte dinhmun hre thiam chungin rawngbawlna a kalpui zel a pawimawh.
3. Pathian chhandamna thu te, thlamuanna thu leh Krista zara thiamchanna thu te hi kohhran hian tunlai thiamna, hmanraw changkang zawk hmang leh, a remchan dan ang zelin a puang chhuak zel tur a ni a. Bible zirtirna keng zel chungin, Krista thuam inbelin he khawngaih rawngbawl hna hi a chhunzawm zel a pawimawh hle a ni.

TLANGKAWMNA

Chanchin Tha puan darh, sal tangte hnena chhuahna thu hril leh dikna tung ding tura tan lak te hi kohhran hna pawimawh tak a ni a. Thlarau Thianghlim tanpuina nen chuan heng rawngbawlna te hi hlawk zawk leh awmze nei zawkin a kalpui theih a rinawm. Chutiang tur chuan kohhran hian rawngbawltu inpe leh thahnemngai a la mamawh zel dawn a ni.

Tawngtai thupui

1. Mission & Evangelism changtu Administrative Secretary tan leh Committee member zawng zawngte tan.
2. PCI General Assembly hnuaia missionary-te rawngbawlnain rah tha a chhuah zel theih nan. Thawktute leh an chungte tan.
3. Dimasa Mission Project thar hmalakna tur atan.
4. Dimasa Mission Field Committee te tan leh an rawngbawlna tur Dima Hasao (North Cachar Hills) mipuite tan.
5. PCI hnuaia Synod hrang hrang ten Chanchin Tha puandarh kawnga an hmalakna atan.
6. Covid19 hripui in s nghawng zawng zawngte tan leh hri vei mekte tan.
7. Khawvela harsatna hrang hrang - hripui leng, indona, khuarel chhiatna leh innghirnghona karah Pathian hnathawh a lo lan theih nan.